

現代生活藝術系列

華嚴經疏論纂要 60

一十地品之一

華藏淨宗學會印贈

大方廣佛華嚴經疏論纂要卷第六十

五臺山清涼國師澄觀疏鈔

太原方山長者李通玄 論

閩鼓山私淑比丘道需纂要

十地品第二十六之一

○四門中初來意

疏來意者爲答普光十地問故夫功不虛設終必有歸前解導行願賢位因終今明智冥真如聖位果立故有此會來也前是教道此是證道教爲證因證卽證前三心之教故無性攝論云此聞熏

習雖是有漏。而是出世心種子性。卽斯義也。然會來卽是品來。一會之中。唯一品故。故釋名宗趣。亦品會無差。鈔言證前三心者。謂直深。大悲二菩提心。二賢別增此中齊證故。

○次釋名

疏釋名者。會名有三。一約人。名金剛藏會。二約處名。他化自在天會。謂他化作樂具。自得受用。表所入地。證如無心。不礙後得而起用故。不處化樂者。表凡聖隔絕故。三約法。名十地會。卽同品名。所以得此名者。本業云。地名爲持。持百萬阿僧祇功德。亦名生成一切因果。故名爲地。本論云。生成佛智。

住持故卽斯義也

論何故名爲十地品。釋曰。以明如來普光明智以成地體。如經如是菩薩已踐如來普光明地。卽大圓鏡智是所說四智及一切種一切智之差別。以此爲智體。以諸菩薩雖登十住。十行。十迴向。不離此體。道力未充。更以十波羅密。十重進修。令其道力圓滿。名爲十地。又以一波羅密中而自具十法。名爲十地。十十之中具百。百不移十。故名爲十地。乃至十百。十千。十萬。十十萬。十億。乃至十不可說。翻十數該含一多無盡。故云十地。此十地之法通。

因十卽通十信。所信十箇佛果。卽以普光明殿所說十箇佛果。不動智佛爲初信故。乃至無礙智佛。解脫智佛。通十箇智佛爲所信之果。進修之中。經十住。十行。十迴向。還將十信之中十箇智果。以成此十地之體。十箇智佛。以不動智佛爲本。不動智佛。以普光明智爲本。普光明智。以無依住智爲本。又無依住智。以一切衆生爲本。如善財見彌勒菩薩。彌勒菩薩還令善財卻見初善知識文殊師利。是其義也。乃至於五位滿。不離初信之佛果也。以此十地之法。通初徹末。一際法門。是故號名十地。

品品者均分義。多次第升進同別階級義故。此乃是無升進中進修無層級中層級且畧言之。十地之體若無十信能信自心初佛果者。十地亦不成故。十信之初心無十地十一地之佛果亦無成信心故。始終總是不動智之果故。能信自心者亦佛果故。如是信心方得成信。其所修因果終始不異不動智佛故。是故此經十住十行十迴向皆有隨位進修因果十佛號故。十地十一地以取十迴向中佛果通號更不別立佛名號故。爲此後十地十一地但取十迴向中理智大悲妙用蘊積使德。

行功熟更無異法。以此義故。十迴向中十箇佛果總號之爲玅。爲明十迴向已和會理事悲智玅用法成故。以此如來亦不云升天。他化天王亦不云遙見。亦無迎佛及以興供。古人云。十地無迎佛及敷座者。以經來文未足者。此非爲得經之意也。但爲法則。如十迴向中大願及智悲修令圓滿如彼。故無敷座等事。爲明法則依地前舊法。不更別有加行進修。以十地法門。但依十信十住中法則。以不動智爲體。以十住中十箇月佛。十行中十箇眼佛。十迴向中十箇玅佛。以爲十信中不動智佛上。

加行進修。十地同此準知。不移初法。

○三宗趣

疏宗趣者。先總後別。總有二義。一以地智斷證。寄位修行爲宗。以顯圓融無礙行相爲趣。二前二皆宗。爲成佛果爲趣。後別者。別於上總。畧有十義。一約本。唯是果海不可說性。以離能所證故。雖通一部。此品正明。二約所證。是離垢真如。二者約智。謂根本後得。亦通方便。鈔三約智中亦通方便者。正故初地方便。未是地故。如欲入一二地。起於十心。是住初地後得智中。進修此十。所謂正直柔軟堪能。調伏寂靜純善。不雜無顧戀廣心大心。此十若滿卽入二地。二地入三等。皆準此知。初地加行。若未

圓滿。正屬地前四加行位。今言亦通者。後九方便。
望於本地。雖是後得。望起後地爲方便。故初地加
行。在十地會明。非廻向位。故屬初地。則此會中。亦有未入地行之方便也。四約所斷。謂

離二障種現。五約所修。初地修願行。一地戒行。三
禪行。四道品行。五四諦行。六緣生行。七菩提分行。
八淨土行。九說法行。十受位行。六約修成有四行。
謂初地信樂行。二戒行。二定行。四地已上皆慧行。
於中四五六地。是寄二乘慧。七地已去。是菩薩慧。
七約寄位行。十地各寄一度。八者約法有三德。謂
證德。阿含德。及不住道。是十地之德。故九約寄乘
法。謂初二三地。寄世間人天乘。四五六七寄出世

三乘八地已上。世出世間。是一乘法。故以諸乘爲此地法。九約寄乘者。謂初地明施復顯人王。節是身見觀於道品同須陀洹。五地四諦理終。寄阿羅漢六地觀緣。寄於緣覺。七地一切菩提分法方便涉有。故寄三乘之中大乘菩薩。八地已上。既是一乘故。不十者撮要爲六決定。宗辨此故。十撮要者。本分當明。云寄於此十中。二三四八十。通於圓融行布。初一雙非。餘皆行布。多約寄法顯淺淡。故若以圓融融彼行布。則無不圓融。故以別從總。皆十地宗。若別中之別。則地地別宗。別論其趣。不異總趣。問。何爲地前顯圓融德。地上行布。彰淺劣耶。答。顯一乘故。云何

顯耶。二乘之位。地前行布。地上圓融。今一乘位。地
前地上。俱有行布圓融。若俱雙辨。則前後不異。若
地前行布。地上圓融。則全同三乘。前淺後深。又似
行布圓融。各別教行。不知法性教行。非卽非離。故
於地前。但顯圓融。已過三乘。地上多明行布。以顯
超勝。勝相云何。謂賢位始終。已圓融自在。登地已
去。則甚深甚深。言所不至。若不寄位。何以顯深。不
包三乘。何以顯廣。故虛空鳥迹。迹迹合空。大海十
德。德德皆海。地地之中。具攝一切諸地功德。文文
之內。皆云。若以殊勝願力。復過於此。不可數知。故

剛藏俟五請而方說。世親以六相而圓融。意在於斯矣。又此一會文。唯一品。闕於方便及勝進者。正表斯義。所以闕方便者。有二義故。一表證法無二。離方便故。二總攝三賢。皆爲入地之方便故。闕進趣者。亦有二義。一十地如佛。更無趣故。二以十定等品。卽此勝進故。若爾。何以別會說耶。舍二義故。一開此勝進成等覺故。二勝進趣佛行深遠故。若別立方便勝進。卽不得包攝前後顯地圓融。十地甚深。良在於此。地前乃我地之前。安得云深異於地上。此解尤妙。學者應思。

○第四釋文。一品分二初長行散說後偈頌總攝。

偈中雖有第十地偈以後有總攝之偈前隔結通等文故從文便科之中間諸頌攝在當地初長行中二先正說十地後爾時復以下菩薩證成前中亦二先顯此界所說後如此世界下結通十方齊說。鈔然下用論小異於古謂論先具釋經之處故多缺畧今皆對會二處釋文爲一異也二昔人或釋經竟後牒論釋或復牒論而後釋論今則經中易者則直用論爲疏釋之或令義顯加一兩字若經文難則先釋經後引論釋若論難者先牒論文後方疏釋或先取論意以解經文後引論證爲二異也二晉經論經及今唐本三經不同賢首釋晉遠公釋論後人但

取以釋今經。若不善會時。有差失。前中大科總令同則。不明異則。通會爲三異也。前中大科總

有十分。一序分。起說由致故。二三昧分。顯證能說故。三加分。示說不虛故。四起分。定無言說故。五本分。起先畧陳故。六請分。聞名渴仰故。七說分。正爲廣陳故。上七依論次第。八影像分。別說難曉。以喻總明故。九利益分。爲說既竟。顯勝勸修故。十偈頌分。散說難知故。若依十地。卽爲十段。初歡喜地。文有八分。七如前明。第八名爲校量勝分。文之分齊至下明顯。今初序分。論經別行。具六成就。今攝在大部。故闕信聞。但有餘四。

謂一時。二王。三處。四衆。雖有四事。而論但云時處等。校量顯示勝故。此法勝故。在於初時。及勝處說而不言主衆勝者。意明主衆餘經容有故。若以相從。王旣十身。衆不可說。亦得名勝。故論有等言。四段分二。時主處勝。二。明衆勝。今初爾時世尊在他化自在天王宮摩尼寶藏殿。

疏爾時者。時勝以是初時得名爲勝。故論云。婆伽婆成道未久。第二十七日故。論經別行。故標二七。今經攝在大部。但云爾時。即是初會始成正覺時也。且依論明。若以初表勝。初七最初。何故不說。論云。

思惟行因緣行故。因者能說之智。緣者所化之機。
欲將所得妙法以逗物機。故云思惟行行。故法華
云。我所得智慧微妙最第一。思惟因也。衆生諸根
鈍等。思惟緣也。論云。本爲利他成道。何故七日。思
惟不說顯示自樂大法樂故。此問意云。在法身地。
見機堪化。方應成佛。何用更思。今答意云。非是思
而後知。自爲受法樂故。大法樂者。卽所得智慧寂
靜樂也。論云。何故顯已法樂。爲令衆生於如來所
增長愛敬心故。復捨如是妙樂。悲愍衆生。爲說法
故。何故唯行因緣行耶。顯示不共法故。謂窮智究

竟照機無遺。除佛一人。無能及者。名不共法。又因緣亦卽所證深理。唯佛窮故。一世尊者。王勝義如前釋。三在他化下處。勝論云。此處宮殿勝故。宮卽自在天宮。勝下五天故。殿卽摩尼寶藏。純寶所成。勝寶嚴故。他化天宮旣表地智。無心而成化事。摩尼寶殿。亦表慈覆無心。出用無盡。若以欲頂爲表勝者。色界尤勝。何不彼說。論云。此處感果故。謂機感在此故。又色界爲長壽天。難不能感果。能感勝果。必是欲界之身。故密嚴中。明此處十地菩薩常所游履。大乘同性經云。此處有報佛淨土。故於此

處說。若唯約機感。失所表義。

○二。明衆勝。文分爲五。一。揀定衆類。二。歎其勝德。三。依德列名。四。結數難測。五金剛藏下。標說法王。今初。

與大菩薩衆俱。其諸菩薩。皆於阿耨多羅三藐三菩提不退轉。悉從他方世界來集。

疏文三。揀大異小。同菩薩故。二。其諸下。揀尊異卑。謂八地已上。念不退轉故。彌勒問經云。自分堅固名不退。勝進不壞名不轉。若準論經。又云。皆一生得無上菩提。則皆等覺。等覺亦通念不退故。又

仁王經。一生正得下寂滅忍。言不退者。不復退入無生忍故。顯文雖爾。本迹難量。多是諸佛之所化故。三悉從下。揀新異舊。他方集故。

論悉從他方世界來集者。以從十廻向法來成十地。名爲他方。法界性中。無別他方。以未至位處名他方故。乃至諸位例然。

○二歎其勝德

住一切菩薩智所住境。入一切如來智所入處。勤行不息。

疏歎德中。有一十句。初二畧明。後二總結。中間廣

歎。今初畧中。初句自分行滿。謂權實無礙智。住真俗雙融境。境智一如無住住故。後句勝進行滿。證佛所證。則是如來勤行不息。故名菩薩。

善能示現種種神通諸所作事。教化調伏一切衆生而不失時。爲成菩薩一切大願於一切世一切劫一切剎勤修諸行無暫懈息。

疏

二廣歎有十六句。分二。前十三句廣自分。後三

廣勝進。前中亦二。初三明行修具足。一神用善巧。

二調化應時。三行願福於時處。

具足菩薩福智助道。普益衆生而恒不匱。到一切菩

薩智慧方便究竟彼岸。示入生死及以涅槃而不廢捨修菩薩行。善入一切菩薩禪定解脫三昧三摩鉢底神通明智。諸所施爲皆得自在。獲一切菩薩自在神力。於一念頃無所動作。悉能往詣一切如來道場。衆會爲衆上首請佛說法。護持諸佛正法之輪。以廣大心供養承事一切諸佛。常勤修習一切菩薩所行事業。

疏餘十句。德用圓備。四福智益而不竭。五權實智慧皆已究竟。六以無住道不捨修行。七內證定智通明。八外用施爲自在。九內獲自在幹能。十外能

一念周徧請法。十一護法。十二供養。十三利勤修。

其身普現一切世間。其音普及十方法界。心智無礙。普見三世一切菩薩所有功德悉已修行而得圓滿。於不可說劫說不能盡。

疏後三廣勝進卽三業廣大及悉已下結文並顯可知

○三依德列名

其名曰金剛藏菩薩寶藏菩薩蓮華藏菩薩德藏菩薩。蓮華德藏菩薩日藏菩薩蘇利耶藏菩薩無垢月

藏菩薩。於一切國土普現莊嚴藏菩薩。毗盧遮那智
藏菩薩。妙德藏菩薩。優鉢羅德藏菩薩。華德藏菩薩。俱
蘇摩德藏菩薩。優鉢羅德藏菩薩。天德藏菩薩。福德
藏菩薩。無礙清淨智德藏菩薩。功德藏菩薩。彌羅延
德藏菩薩。無垢藏菩薩。離垢藏菩薩。種種辯才莊嚴
藏菩薩。大光明網藏菩薩。淨威德光明王藏菩薩。金
莊嚴大功德光明王藏菩薩。一切相莊嚴淨德藏菩
薩。金剛燄德相莊嚴藏菩薩。光明燄藏菩薩。星宿王
光照藏菩薩。虛空無礙智藏菩薩。妙音無礙藏菩薩。
陀羅尼功德持一切衆生願藏菩薩。海莊嚴藏菩薩。

須彌德藏菩薩淨一切功德藏菩薩如來藏菩薩佛
德藏菩薩解脫月菩薩

疏名中前三十八同名藏者表地法有含攝衆德
出生果用故後一名解脫月者卽請法上首脫衆
疑暗使得清涼如夜月故又藏表根本智包含出
生月表後得清涼益物蘇利耶者此云月也俱蘇
摩者悅意也卽是華名餘之別名可隨義釋

○四結數

如是等無數無量無邊無等不可數不可稱不可思
不可量不可說諸菩薩摩訶薩衆

疏可知

○五標法王

金剛藏菩薩而爲上首。

疏論云。何故菩薩說此法門爲令增長諸菩薩力

故。謂彼同類而能爾故。菩薩衆多。何故唯金剛藏

說。論答云。一切煩惱難壞。此法能破。善根堅實猶

如金剛。故不異名說。此釋金剛。謂表地智有堅利

二義。如金剛故。能壞煩惱。即是利義。第一序从竟

○第二明三昧分

爾時金剛藏菩薩承佛神力。入菩薩大智慧光明三

昧

疏爾時者衆已集時金剛藏菩薩者標入定人爲

衆首故承佛神力者辨入所依顯定深玄唯佛窮究故推功有在無我慢故菩薩大智慧光明三昧者顯所入定名三昧通稱餘皆別名智慧是體光明就用照二無我證如名慧照事名智此二無礙能破見惑及無明故名曰光明大有二義一揀異凡小二能斷大惑能證大理成大果故彰非果定故云菩薩卽照之寂故云三昧智與理冥故稱爲入所以入者意畧有六論但有一二謂表深論云

顯示此法。非思量境界故。一卽以此義顯。非證不說。故餘四如十住品。鈔言。餘四如十住者。三。是法體故。四。觀機審法故。五。上受爲物執故。六。下

論菩薩大智慧光明。卽是如來睂間所放十地智慧中道之光明。名菩薩力燄。亦是初會中如來放睂間光。名一切菩薩力智光明。總是十地道終。佛智慧光明。今入三昧。還是此之智慧三昧。說十地道之智慧。名菩薩大智慧光明。以根本智成菩薩大悲行。故

○第三加分有六。一辨加所因。二能加佛現。三讚其得定。四雙辨加定因緣。五辨加所爲。六別顯加相。今初

入是三昧已

疏入是三昧已者。若未入定。佛不加故。故下論云。所以偏加金剛藏者。得此三昧故。十住會云。以三昧力故。

○二能加佛現

卽時十方各過十億佛刹微塵數世界外。各有十億佛刹微塵數諸佛。同名金剛藏而現其前。

疏佛現中有五。一佛現時。謂正入定時。二十方下。
來處遠近。三各有下。能加佛數。四同名金剛藏顯
名同所加。五而現其前。現身生信。上二三中意明
多數勝前位故。若爾。何以不言無量世界。而云十
億刹塵界耶。論云。方便顯多佛故。謂無量雖多。其
言猶漫。人不謂多。今假以刹塵。一塵一刹。一刹一
佛。便謂細而叵測。若爾。但趣舉刹塵。卽已顯多。何
要定言十億。有二意故。一爲說十地故。二此經如
是多說十數。顯無盡故。卽由此義。不云無量。無量
不得顯無盡故。何要顯此多佛加耶。論云。顯於法

及法師增長恭敬心故。又表諸佛皆同說故。何要同名加論。有二意。一云。本願力故。論意云。諸佛因中得定。名金剛藏。遂發願言。我成佛時。亦同其名。所以同者。爲顯菩薩所得法體。同於多佛。明人異道同故。論意正爾。若以義取。亦通遮那本願。以佛因中得定說法。能加所加同名。法爾亦發斯願。以顯道同。故下經云。亦是毘盧遮那如來本願力故。第二意論云。又是菩薩聞諸如來同已名已。增勇悅故。前就法理。此就化儀。

○第三同讚得定

作如是言。善哉善哉。金剛藏。乃能入是菩薩大智慧光明三昧。

疏同讚得定顯有加因

○第四雙辨加定因緣

善男子。此是十方各十億佛刹微塵數諸佛共加於汝。以毗盧遮那如來應正等覺本願力故威神力故。亦是汝勝智力故。

疏有四因緣。一伴佛同加故。二主佛本願故。三主佛現威故。四定者智力故。

○第五明加所爲。論云。何故加。然直就經文。則應

分二。初總明。後所謂下別顯。論無所謂二字。故取別中入智地句。入初總句。總別合明。但有二十。前十依自利行。後十依利他行。義雖兼通。從多分別。欲顯二利差別相故。今依論釋初十句。欲令汝爲一切菩薩說不思議諸佛法光明故。所謂令人智地故。攝一切善根故。善簡擇一切佛法故。廣知諸法故。善能說法故。無分別智清淨故。一切世法不染故。出世善根清淨故。得不思議智境界故。一切智人智境界故。

疏初十句中。論以二門解釋。一直釋經文。一會通

本末初門先釋總句。彼經云。又一切菩薩不可思議諸佛法。明說令入智慧地故。既將別句入總。卽經論開合不同。論經云明。卽今經光明。但廣畧有異。彼云。明說此云說不思議。彼未廻文。卽經論方言有異。旣知二經同異。次正釋文。初欲令汝爲者。標舉章門。總顯加意。意爲何事。爲一切菩薩說等。此中三義。一一切菩薩是所被機。二不思議諸佛法光明。是所說法。三令入智地。是說之益。被何等機。論云。是中一切菩薩者。謂住信行地。此通二類。一謂地前未證真如。但依信心而起行故。無著論

中亦同此名。二通地上如初地加行位中名信行地卽地地加行皆名信行以攝論中意言無分別觀通於四位故知地上亦有信行下釋所入智地及別入中皆通十地。明知所被不唯地前況下請分中論云未入地者令得淨心已入地者令得十力必通被也。一中說何法被此有二種一所證法論云不可思議諸佛法者是出世間道品此明十地法體是無漏故名出世間生佛界故名道十位行法類別名品旣是佛因是佛所證故云佛法心言路絕名不思議。二說能證論云光明者見智得

證。此謂後得。觀事差別名見。根本。觀理一相名智。見達於事名得。智契於理名證。直語智體。故言見智。以智合境。故言得證。地法雖多。不出此二見智。雖廣。此釋正宜。三中說此何益。今入智地。論云。入者。信樂得證。此中信樂。卽所被機得證。卽上二智契合。入何法耶。所謂智地論云。智慧地者。謂十地智。如本分中說。卽上不思議佛法也。上說能所證者。意令菩薩以能證智。入佛所證法。是此總意。已說總句。入地之相。次下九句。依本開末。顯入差別。論云。此修多羅中。依根本入。有九種入。此九種入。

寄於四位。初四願樂位。次一見位。次三修位。後一究竟位。近地方便。亦屬地故。地後勝進趣究竟故。皆十地攝。言九入者。一者攝入。謂聞慧中攝一切善根故。二者思義入。思慧於一切道品中智方便故。智方便者。卽善揀擇道品。卽是佛法。二法相入。彼彼義中。無量種種知故。彼彼。卽是諸法。種種知。卽廣知。此卽所思法成。四教化入。隨所思義名字具足。故能善說。此知修慧。修通二利。菩薩利他。卽是自成佛法。故入自利中收。五證入。於一切法中平等智。見道時中善清淨故。言平等者。卽無分別。

無分別智。正證眞如。離二取相。故云平等。二我分
別。隨眠不生。名善清淨。最初照理。立見道名。六不
放逸入於修道時中。遠離一切煩惱障故。故世法
不染。七地地轉入出世間道品。無貪等善根淨故。
此剛修道位中。離障證理。智行轉進。於地地中雙
斷二愚。是無漏善能淨所知。以此無漏淨三善根。
名淨煩惱。論復云。復有善根能爲出世間道品因。
此剛諸地中。加行善根淨也。鉢言於地地中雙斷二愚者。謂開上十障。
一各成一二。故有二十愚。若兼等覺。有一十二愚。今約十地。故說二十。下說分中。亦皆別說。今當畧示。
初地斷二愚者。一執著我法愚。是惑。二惡趣雜染愚。是業。二地二者。一微細悞犯愚。二種種業趣愚。

三地。一者。一欲貪愚。一圓滿聞持陀羅尼愚。四地
二者。一等至愛愚。一法變愚。五地。二者。一純行意
背生處愚。二純作意。六地。二者。一況觀
察行流轉愚。二相多現行愚。七地。二者。一細相現
行愚。二純作意求無相愚。八地。二者。一於無相作
加行愚。二於相自在愚。九地。二者。一於無量所說
法無量名句字後慧辨陀羅尼自在愚。二辨才
自在愚。十地。二者。一大神通愚。二悟入微細秘密
愚。至說分中地地之初各辨其相。然準唯識此後
更有二愚障於佛地。謂一於一切所知境極微細
著愚。即是此中第二智障。二極微細
礙愚。即是此中一切任運煩惱障種。八菩薩盡入
於第十地中。入一切如來秘密智故。卽下大盡分
中。入如來十種秘密之智是也。如來秘密下地不
測。名不思議。若入彼所入是智之境。入彼能入。卽
智是境。得卽是入。故歎淨名云。諸佛秘藏。無不得

入九佛盡入於一切智人智故。上一切智釋一切智人下智字卽智境界人卽得也。上直釋竟自下論文融會本末初會末歸本謂上九種入爲欲校量地智差別轉勝之相非根本入有此行布後明本末無礙欲顯前從本起末則無別之別次攝末歸本別而無別故以六相融而無礙論云一切所說十句中皆有六種差別相門者此標舉顯通故云一切皆有此言說解釋應知除事者此顯立意謂此六相爲顯緣起圓融之法勿以陰界入等事相報取此言說解釋下彰其立意先舉論此顯下疏釋卽賢首意爲顯一乘圓教法界緣起

無盡圓融。自在相卽無礙容持。乃至因陀羅網無窮理事等。此義現前。一斷一切斷。一證證。一切證乃至卽具普賢圓因十佛境界故。此言說者約敎道解釋故。後勿以下釋除事之言論中。但云謂陰界入等。今疏加甄取之言。以釋論意。意不言六相者。令人隨事甄取。非陰界體。不具六相。

謂總相。別相。同相。異相。成相。壞相。

一總相者。二含多德故。三別相者。

者。多德非一故。三同相者。多義不相違故。四異相者。多義不相似故。五成相者。由此諸義緣起成故。六壞相者。諸緣各住自性。不移動故。亦如梁等共成一舍。總則一舍。

別則諸緣同則互不相違。異則諸緣各別。成則諸

緣辦果。壞卽各住自法。餘一切十句。皆應隨義類

知。別章廣顯。

別章廣顯者。卽賢首敎義分齊。彼唯

料揀。前之二門。上已具竟。今但明問答。寄就一舍

之上。辨其六相。例法可知。問何等是總相。答舍是

總相問此但椽等何者是舍答椽等卽是舍獨作舍故離卽不成若爾未有瓦等應卽是舍答未能有瓦等不是椽故以無瓦等對何說椽若諸緣共出少力共作不全作者有斷常過但諸少力不成一全舍故舍則斷也不成執有是無因常今去椽卽非全舍明椽全成椽卽舍也由此全成便令此椽卽执瓦等以去於椽卽舍便壞則瓦櫃等亦皆壞故此諸緣皆卽是椽舍方善成一緣既爾餘緣亦然故緣起法不成則已成則圓融第二別相者椽等諸緣別於總故若不別者總義不成無別時則無總故是故卽以總爲別也問若總卽舍故名總相舍卽是椽故名別相若別不卽舍不是椽故若舍不卽椽不是舍故若不相卽總在別外自相故非總也別在總外卽非別也問若不別者復有何得舍緣過答有斷常過謂若無別節無緣等舍不成故無而執有無因常故下之四相各有斷常可以意得第三同相者椽等諸緣和合作舍不相違故皆名得舍緣非作餘物故若不同者諸緣相背則不同舍則不成與總何別答總相唯望一舍同則衆緣

互望成力義齊第四異相者椽等諸緣隨自形類
相差別故問異應不同答由相各異長短等殊方
爲舍緣同力成舍此與別何異別相諸緣別於一
舍異則諸緣自互相望第五成相者由此諸緣舍
義得成故由成舍故様等名緣不爾二俱不成問
現見諸緣各存自性何因得成答由不作舍舍方
得成以若作舍失本緣故舍不得成今由不作諸
緣現在故舍得成又若不作舍椽不名緣今既名
緣明知作舍第六壞相者椽等諸緣各住自法本
不作故若作舍者卽失本法舍則不成由不作故
舍得成也又總卽一舍別卽諸緣同則互不相違
異則諸緣各別成則諸緣辨果壞則各住自法乃
爲頗曰一則是多爲總相多則非一是別相多類
自同成於異各體別異顯於同多緣起理妙成
壞住自法恆不作唯知境界非事識以
此壞住自法恆不作唯知境界非事識以
方便會一乘六相之義畧已終矣

○第二十句依利他行

又令得菩薩十地始終故如實說菩薩十地差別相

故緣念一切佛法故修習分別無漏法故善選擇觀察大智光明巧莊嚴故善入決定智門故隨所住處次第顯說無所畏故得無礙辯才光明故住大辯才地善決定故憶念菩薩心不忘失故成熟一切衆生界故能徧至一切處決定開悟故

疏是增數十經有十二句論經合七八二句故唯

十一鈔言增數十者依大智度論數法有一二大小增名寬名大七八等名少減十一二等名爲少增今據大數名增數十以十二爲十故初句

爲總餘十爲別總中始者內起信欲外近善友聽聞終者憶念任持所聞地法地地皆爾故云十地

始終此約教行復有阿含爲始以證爲終則前皆是教。阿含者梵言此云淨教既唯以證爲終而行是教。非是證故前教始行終並名爲始故疏結云。則前皆是教。又依根本始終有十始終有十始終下釋別句義。前

三地前思修利物次一見道餘六修道一攝始終經云如實說菩薩十地差別相故謂以思慧智攝持所聞稱思宣說故云如實二欲始終緣念佛法意欲令物證故此卽思慧上品求心論云欲言上二義故令物證。二唯緣佛法故三行始終以是修慧故名修習品求心者有言分別無漏法者於地上無漏道品起意言分別觀行故以未證故但是觀分之時帶相觀心未覺

無相。故云分別四證始終。卽見道位。大智者。卽真見道。根本法無我智。過小乘故。名大治。無明故云光明。此智親證真如。平等平等。離二取相。名善觀察。實斷二障分別。隨眠名善選擇。巧莊嚴者。卽相見道。是後得智。故論名方便。方便卽巧。法真見道種種建立。名爲莊嚴。又莊嚴者。卽二智成德。由得此二善達法界。於多百門。已得自在。故云莊嚴。五修道始終。論云。出世間智智力得入法義故者。以後得了俗。由於證真名出世間智智。由證真達俗故名善入。智能入法。卽名爲門。上寄從二地至七

地竟。次下五句。有五始終。寄入八地。至於佛地。治菩薩於菩提五障。五障在於七地。至於等覺。經文但有能治。障在文外。今初二句。卽能敍邪論障。始終不能破邪論障。卽是所治。隨所住處者。卽邪論心住著之處。言次第顯說者。以宗因喻。現比教量。顯已正義。隨病治之。上皆論所據。言無所畏者。卽論莊嚴。後句辯才。卽是論體。亦論莊嚴。謂語具圓滿。順言敦肅。故名辯才。又上皆論多所作法。所作有三。一善自他宗。二勇猛無畏。三辯才不竭。配文可知。言光朗者。性不闇故。卽論出離。謂善觀察得。

失等故。由具上諸義。故不墮負。由破此障。得入八

地

頌云論體論處所論據論莊嚴論負論出離論多所作法。

一能善答難始終。

上明能破。此顯能立。第九善慧是辯才地。住卽證

也。

言上明能破。此顯能立者。總釋也。因明論云。能立與能破。及似唯悟他現量與比量。及似唯自悟。此之一偈。總有八義。一真能立。二似能立。三真能破。四似能破。五真現量。六似現量。七真比量。八似比量。今此辨於利他故。但明能立能破。

而菩薩離過。但有真能立破。無似能立破。三樂著

小乘對治始終。不忘菩提。上求下化。故四化衆生

懈怠對治始終。成就不疲故。五無方便對治始終。

善達五明。爲一切處開悟。故能巧化。又上五障。一

不能破邪。二雖能破而不能立。三雖能破立。情樂

小乘四雖不樂小乘而不勤化他五雖化不疲而無化方便。治於此五行化畧周。

○第六正顯加相論云已說何故加復云何加。加相有三謂口意身。約別相說口加以益辨意加以與智。身加以增威。如實說者能加則局所加皆通。乘前語便故先口加得智堪說事須起定使身觸令覺故爲此次此就十方佛辨若約舍那先意令得定當有所說次身光照射觸增威後雲臺說偈令演亦義次第非有優劣。今初口加。

鈔言約別說者謂以身加身以口加口等。如實說者謂能加隨舉一業卽加所加三業故

善男子。汝當辯說此法門。差別善巧法。所謂承佛神力。如來智明所加故。淨自善根故。普淨法界故。普攝衆生故。深入法身智身故。受一切佛灌頂故。得一切世間最高大身故。超一切世間道故。清淨出世善根故。滿足一切智智故。

疏曰。加中有十一句。初總餘別。總中令以樂說辨。說十地法門名相。差別不違事理。善巧成故。故云汝當辯說等。所謂下十句別中。依根本辯才有二種辯才。一他力辯。即是初句。謂承佛力。承何力耶。如來智明故。二自力辯。卽後九句。自他因緣方有

說故。一淨自善根者。有作善法淨。即是教行。亦約相故。名爲有作。鈔釋此一淨文有四節。初句牒經。敎行。出其行體。四亦約相故。名爲有作。依體釋名。謂由約相約敎故。有修作。修作即是敎行。二

普淨法界者。無作法淨。此約證行。亦約體故。名爲

無作。依此性相而有說故。上二皆自利。釋此一淨文有五段。牒經。一無作法淨。依論立名。三此約證行。出其行體。四亦約體故。名爲無作。依體釋名。由約體無有修作。但出妄染。故稱爲淨。如拂雲霧。顯出晴空。故此但約顯體名淨。不同前門對治名淨。五依此性相下。雙結上二先結二淨。性即體。證相即

敎。後上二皆自利者。結上自利。生下第三利他。故也。三普攝衆生者。教化衆生淨。即是利他。餘六句

經。皆名身淨。攝爲三種盡。皆顯二利滿故成德。成

德有二義。一當位顯益。有菩薩盡。二寄對辨勝。有後二盡。初菩薩盡者。因位窮終故。攝經三句。初句位滿。謂十地勝進。破和合識。顯現法身。非心意識之所能得。唯如智所依。成於智身。菩薩照寂。故云深入。後二句成益。一成現報益。得佛灌頂。受佛位故。後二句等者。此句總標。一成現報。證十地。得離垢三昧。末後有一三昧。名受一切智勝職。此三昧現前時。有大寶蓮花忽然出現。身坐其上。十方諸佛現身灌頂。名爲受位。故是現報廣如第十二說。然汎明受位。略有三種。一唯就相如彌勒等。示居長子。已窮聖位。授記當來。次補佛處。二就相顯實。如迦向所引。名爲得位。三唯就實。十地行滿。衆累永寂。法身之相顯。自心源。雖有三義。今取第二故云。二成後報益。十地攝報。生大自在。云高大現報。

身高大二義。一色形中極量最大故。居有頂故。二約三乘此成報身位極普周故云高大論云。摩醯首羅智處生故者。智處亦二義。一摩醯首羅智自在故。二攝報智滿成種智故。論云已下引論釋從二義亦順上高大二義一卽就攝報之身智便自在故賢有品云摩醯首羅智自在大海龍王降雨時悉能分別數其滴於一念中皆辨了卽其文也然此天何以爲智處耶。以下天定少四空定多以四禪中定慧均等色界中極故文約二乘之人多以無漏之智熏習禪定故。二攝報智者此有二意一約未成佛但是十地攝報居彼智度已圓故云攝報智滿二就彼天上得成菩提具足種智名爲智處然論成佛通說有一一寄化顯實在閻浮提卽周法界二寄報顯實在色究竟成便偏法界二就其實顯實妙出一二世不可定其時處身相今就中義。二寄對顯勝中。一對下

彰出有二乘不同盡攝經二句一超一切世間道

者度五道故道卽因義二清淨出世善根者論云復涅槃道淨故以二乘雖度五道有三餘故不淨

涅槃今無三餘故云復淨也由具此二故不同二

乘言三餘者一無明在地惑爲煩惱餘二無漏有

分別對業爲業餘三變易生滅爲苦餘問此句

不同二乘義則可爾上句度於五道則不同凡夫

何名不同二乘有人答云但約超勝器無凡夫此義不然今謂凡夫此不足論今明正度五道有濫

小乘故淨涅槃顯不同彼故合二句方成此盡又

二句皆濫二乘今皆不同由淨善根故不住涅槃

由度五道故不住生死合二無住故不同二乘度涅槃矣後一望上顯同名爲佛盡等覺菩薩同

滿種智故後一望上下明第三盡此句顯意標名

言滿種智者釋一切智智字此有二意

一上一切智。是根本智。重言智者。是後得智。此二無礙名。一切種智。一一依論經意。上一切智。是佛。下智字。是佛智慧。故論云。得一切智人。智滿足故。二義皆是智。

○第二意加中二初正顯後徵釋偏加所以今初。爾時十方諸佛與金剛藏菩薩無能暎奪身。與無礙樂說辯。與善分別清淨智。與善憶念不忘力。與善決定明了慧。與至一切處開悟智。與成道自在力。與如來無所畏。與一切智人觀察分別諸法門辯才智。與一切如來上妙身語意具足莊嚴。

疏前中十句。初總餘別。總中身有二種。一與無上勝威德身。如王處衆。無能暎奪。二與辯才無能暎

奪身。前色身勝。後名身勝。

鉢

第二意加者。當時如來。但意地冥被。與其智

力都無言說。皆集經者言。總中者論。經總句云。與

金剛藏菩薩真實無畏身。無畏卽無能勝義。上力

被下。故名爲與。雖已之智。卽不可他用。約爲緣助

故得言與。如鬼入身。尙增智辯。況於如來。問此與

爲暫爲永。答有三義。一就實相。金剛藏上切大佛心

佛力下彼相應爲與。此與則常。二就化體。旣金剛

藏化周法界。無時不說。隨說卽與。無有暫廢。亦得

名永。三就化相。有說不說。說時卽與。此則非永。然

此總句。亦總亦別。總謂總攝十句爲無能勝身故

別謂此句卽當色身。後九句別。唯屬名故。二名已

去。卽得名身。後與無礙下別。別開名身成九種身。

身者聚義。

與智論判爲名。一文影畧顯義方備。一與不著辯

才。說法不斷。無滯礙故。謂無偏住著故。不滯事理。

云無礙樂說。一與堪辯分別法相能正說故。名爲清淨。三卽任放辯才。說不待次。言辭不斷。處處隨意不忘名義。故云善憶念不忘力。謂隨門異說。不忘本宗故。四能說辯。隨所應。處種種譬喻。能斷疑故。謂應機斷疑。故名決定。能隨所應。是謂明了。五不雜辯。三種同智常現前故。二同智者。卽自相。同相。及不二相。自相者。色心等殊故。同相者。同無常苦無我故。不二相者。卽一實理。又自相卽俗諦。同相卽真諦。不二卽中道。第一義諦。金剛仙等諸論。皆明此三無法不爾。故云徧至一切。菩薩所了。故

云開悟。六教出辯。以十力智。自在化物。斷惑得果。

故云自在成道。

爲令衆生斷惑
出離故名教出

七不畏辯。於他言

說。不怯弱故。八無量辯。於一切智隨順宣說修多

羅等法六種正見故。六正見者。即是法門。金剛仙

羅等法六種正見故。六正見者。即是法門。金剛仙

論云。一真實智正見。能知理法。二行正見。能知行

法。此二教旨。三教正見。能知教法。四離二邊正見。

知前理法。不同情取。五不思議正見。知前行法成

德出情。六根欲性正見。知前教法。說隨物心。瑜伽

六十四名六種理門。大旨無異。九同化辯。一切如

來。同以三輪化故。三業殊勝故曰莊嚴。上十已辨

他力

○第二釋偏加所以

何以故。得此三昧法。如是故本願所起。故善淨深心。故善淨智輪。故善積集助道故。善修治所作故。念其無量法器故。知其清淨信解故。得無錯謬總持故。法界智印善印故。

疏以顯自力堪加。偏就意業釋者。意爲本故。初徵意云。諸佛慈力。若隨闕者可許偏加。既有力能與。有慈能普。何以上十偏加剛藏而不加餘。下釋十句。初總餘別。總明得此三昧法合偏加剛藏得此。

餘不得故。何以得此三昧。下別顯中有二因故。一

本願所致故。卽初句顯示。二善淨下。三昧身攝功

德故。

鉢何以得此者。疏徵得三昧之由。上總句中。由得三昧。故得偏加今微意云。三昧殊勝。何

以能得下別顯下答有二因。一宿願深重謂因中

發願欲證十地智光三昧。故今得之。二是現緣。卽

三昧身攝功德也。現身無德。雖有宿願亦不能入

然諸菩薩皆具此德。隨門顯法。在金剛藏故偏言

有。又標佛力能加草木。何要有德欲令菩薩進修。具德上契佛心方得加故表此地法證方說故

此復八種淨。依自利利他故。謂前四自利後四利

他。一善淨。淡心是因淨。信樂至極。能趣菩薩地盡

皆清淨故。故云善淨。此一爲衆行本。故名爲因。次

三。嘲自利行德。謂二卽智淨。趣菩薩地盡。修道真

如觀。如日輪圓滿。普照法界故。此卽智德。二身轉淨。謂生生轉勝。集助道福德故。四心調伏淨善。斷煩惱習。故云修治。此卽斷德。後四利他中。五聞攝淨。能聞持佛法。故爲法器。此利他方便餘三利他行體。卽身語意。謂六者通淨。以勝神通。生物信解故。七辯才淨。由總持力。於一字中。攝一切字句。前後無違。故無錯謬。八離慢淨。謂雖化衆生。以實智印。印之不違法界。故無化慢。

○第三身加

爾時十方諸佛。各申右手。摩金剛藏菩薩頂。

疏身加增威令起故。言各申者。不離本處而申。卽延促無礙。諸佛皆摩。故云各申。卽一多無礙。第三加分竟。

○第四起分

摩頂已。金剛藏菩薩從三昧起。

疏所以起者。二昧事訖故。云何訖。已得勝力故。雖已得力。何不且定。說時至故。何不定中說。定無言說故。

○第五本分。畧示綱要。爲廣本故。亦與下請爲其本故。不請而說者。不自說本。衆則不知爲說。不

說。又復不知欲說何法故。文分爲三。初明六決。
定以爲地體。次佛子何等下。標列十名。以顯地
相。三佛子我不見下。舉十方同說。彰地要勝。今
初

普告一切菩薩衆言。諸佛子。諸菩薩願善決定。無雜。
不可見廣大如法界。究竟如虛空盡未來際。徧一切
佛刹救護一切衆生。爲一切諸佛所護。入過去未來
現在諸佛智地。

疏 地體已如前辨。文中初句標告。諸佛子下正顯。
於中初句總明。後無雜下別顯。總中言菩薩願善。

決定者。標人列法。故云菩薩於大菩提立誓趣求。
故名爲願。卽下初地中發菩提心也。此願所以名
善決定者。以真實智攝故。謂攝導此願皆令順理。
決擇楷定故。真智卽善。善卽決定。持業受名。故論
云。善決定者。卽是善決定。此據依他受名也。此已
入初地。是證決定。非是地前信地所攝之願。受決
定名。若通論決定。有其六義。一約行體。決定堅固。
二望所證。決定須證。三定能斷惑。四決信不疑。五
決能度生。六決成佛果。後別中。此善決定有六種。
卽經六句。一無雜者。卽觀相善決定。真如觀一味。

相故謂正體緣如。境智一味爲觀之相。則無帶相之雜。鈔真如下。卽論釋也。二不可見者。是真實善決定。非一

切世間境界。出世間故。謂此真智。超出世間可壞之法。故名真實。真實故非世智所見。三廣大如法界者。勝善決定。論總釋云。大法界故。一切諸佛根本故。此中上句出所如法界。亦釋大義。下句顯能如地智。亦釋廣義。法界所以名界者。一是因義。迷悟根故。二是性義。法本性故。今能如地智爲佛根本。故得如之。況體合如。無所如矣。四究竟如虛空盡未來際。是因善決定。此有二種。一成無常變果

因。是因如虛空。依是生諸色。色不盡故。二常因果。
得涅槃道故。故經云。盡未來際。有釋云。一爲生因。
生菩提有爲果故。一爲了因。了涅槃無爲果故。此
順法相。不順經宗。以經宗常與無常。非一異故。今
更直釋。論文明此地智。有其二能。一寂而常用故。
爲無常因。用雖虧盈而智無起滅。如所依空。非無
常故。經明此智。究竟如空。二用而常寂故。爲常果
因。雖涅槃永寂。而智體不無。不爾。將何窮未來際。
若會三身者。用爲化身。寂爲法身。智爲報身。非無
常矣。設智爲了因。亦雙了菩提涅槃。故論云。涅槃

道。道亦菩提故。五徧一切佛刹救護一切衆生者。
大善決定隨順作利益他行故。卽普覆名大。六爲
一切下是不怯弱善。上入智地不怯弱故。論經闡
經。由佛護故。入智無怯。言佛護者。智造佛境。佛智
照故。故佛所護與入智地。反覆相成。論下六相圓
融類前可見。論下六相圓融者。論云。善決定者。總
種同名善。決定故。異相者。別相故。一觀相。二真實。
三勝因。五大。六不怯弱相。別不同故。不同前別。
分一總句爲六決定。以爲別相。成相者。客說故。壞
相者。一廣說故。如世界成壞。前文已有。故云類

見

前可

○第一地相

佛子。何等爲菩薩摩訶薩智地。佛子。菩薩摩訶薩智地有十種。過去未來現在諸佛已說。當說。今說。我亦如是說。何等爲十。一者歡喜地。二者離垢地。三者發光地。四者燄慧地。五者難勝地。六者現前地。七者遠行地。八者不動地。九者善慧地。十者法雲地。佛子。此菩薩十地。三世諸佛已說。當說。今說。

疏文四。一寄問徵起。二佛子下。舉數顯同。三何等

下。徵數列名。四佛子此菩薩下。結名顯勝。初一可知。二中以生成住持故。二世同說。同說之言。文在

地相義兼地體。所以然生之與成，望於佛果。始起爲生終滿爲成，亦可。生爲因，成爲緣。因有二種。一證道爲因。教道爲緣。望方便淨果。教道爲因。證道爲緣。因果功德皆因地智而住。地智能持，有斯勝能。故三世同說。同說之言者，地體最爲要勝故。三列名中，爲對治十障。證釋中辨。論問云，何故定說菩薩十地，對治十障？故何者十障？一、凡夫我相障。二、邪行障。三、暗鉢障。四、解法慢障。五、身淨慢障。六、微細煩惱習障。七、細相習障。八、於無相有加行障。尤不能善利益衆生障。十於諸法中不得自在障。義如下說。今依本論，畧釋地名。論云，成就無上自利利他行。初證聖處，多生歡喜。故名歡喜地。此有二義。一二利創成故。二聖位新得故。

遂本期心。故生歡喜。一離能起誤心。犯戒煩惱垢等。清淨戒具足。故名離垢地。此有三義。一卽因離謂離能起誤犯煩惱。二果行離。謂離犯戒惡業。故云等也。三對治離。謂清淨戒具足。三隨聞思修等照法顯現。故名明地。此唯一義。謂三慧照當地所聞之法。然唯識此經。皆名發光。謂成就勝定大法總持。能發無邊妙慧光故。此則三義。一定爲能發。二持爲能持。三後地慧光爲所發所持。然三慧就初發光約後。故受名不同。四不忘煩惱薪。智火能燒。故名燄地。燄卽慧燄。故此名燄慧地。五得出世。

間智。方便善巧。能度難度。故名難勝。此唯一義。謂真俗無違。極難勝故。以二地同世。未能得出四地。雖出而不能隨。多滯二邊。難以越度。今得出世。又能隨俗。巧達五諦。真俗無違。能度偏滯。實爲難勝。此初得故偏受其名。六般若波羅密行。有間大智現前。故名現前地。謂妙達緣生。引無分別。名般若行。親如目覩。名曰現前。對後彰劣。名爲有間。以第七地常在觀故。七善修無相行。功用究竟。能過世間。二乘出世間道。故名遠行。此或三義。一善修無相。到無相邊。故名遠行。二功用至極。故名遠行。三

望前超過。故名遠行。合唯一義。善修無相行。釋行字。功用下。皆釋遠字。八報行。純熟。無相無間。故名不動地。此亦三義。一捨二界。行生受變易果。故云報行。依此起行。任運而成。故功用不動。二得無生忍。無相妙慧。則有相不動。三此二無間。煩惱不動。合唯一義。謂前地無相。已得無間。相及煩惱。亦不能動。而爲功用所動。無不動名。今由無功用故。令無相觀。任運無間。故三不能動。下輪王梵王之喻。可以證此。下輪王喻者。七地菩薩。煩惱及相。已不動故。而非報行不動。梵王捨欲。生於梵天。卽功用不動。九得無礙力。說法成就。利他行故。名善慧。

地得無礙慧。尙未稱善。徧說徧益。方名爲善。十得大法身。具足自在。故名法雲。此有一義。一得大法身。語法雲體。具足自在。釋法雲義。謂能雲雨說法。自在用故。此約能說爲名。二得大法身。此明法義。是大法器故。具足自在。此釋雲義。能受如來雲雨說故。下釋名分。自當廣釋。此十得名。畧有四對。一約法喻。燄慧法雲。法喻合目。餘皆就法。二約體用。歡喜善慧。約體爲名。餘皆就用。三約自他。離垢不動。就他受稱。餘皆自義立名。四約當位相形。難勝遠行。形他受稱。餘皆當位受名。此十圓融。地地皆

具。若約行布。則前前之名。應該後後。後後之稱。不該前前。如歡喜之名。義該十地。法雲之稱。不預前九。今爲顯別相。各從初得受名。下文重顯四結名顯勝。可知。

○第三彰地要勝

佛子。我不見有諸佛國土。其中如來不說此十地者。何以故。此是菩薩摩訶薩向菩提最上道。亦是清淨法光明門。所謂分別演說菩薩諸地佛子。此處不可思議。所謂諸菩薩隨證智。

疏彰地要勝者。爲欲令物生渴仰故。文中二。初明。

不見不說。反顯十方報化皆說。二徵釋所由。徵云。
佛國不同。化儀亦異。如何十地要皆說耶。釋意云。
此最勝故。謂萬法皆如體。如成聖離斯證智。皆是
隨宜。故爲要勝。文有四句。初二句總標顯勝。初句
證行。謂諸佛證此爲因。成菩提故。餘皆助道。故此
最上最勝。次句阿含法門者。名爲法體。光明者。顯
照一切餘法門故。後二句別顯其相。初句釋前阿
含云。分別說。卽明前法光明是教體用。此句是教
所照法門。故論云。分別十地事者。顯示世間智所
知法故。後句顯上證道。非地前世智所知。名不可。

思議。故論云。顯示出世間智故。說證將默。故呼佛子。第五已說本分竟。

福全庵比丘尼海金海印傳意等珍一
端海晏戒瀟戒慈寂慈等果照源心珠
戒輝照護信女張傳真林賢姐虞蘭使
同刻華嚴經十地品疏論纂要第六十卷伏
願衆等三障肅清五福咸備修普賢之
妙行圓毘盧之果海者

康熙二十二年九月 日華藏室謹題

大方廣佛華嚴經疏論纂要卷第六十